

meura pas ung sa vye durant. Et ordonna par son testament, sur certaines et grandes peines, que les Juifs de sondit pays jamais ny retournassent pour y demeurer. Laquelle ordonnance, comme juste, sainte et raisonnable, garde et observee, et est encore a present audit pays.

Cestuy bon seigneur Eddouard fut en son temps tres devot a Dieu, a la glorieuse vierge Marye et a messire saint Francois et a son ordre ; car, souventes fois, lui estant en son pays, en temps de paix ou de treve, il amenoit sa femme et sa tres noble lignée pour demeurer au couvent des freres minimes de Villefranche, affin de mieulx ouyr le service divin et servir notre seigneur plus à son ayse et en plus grande devotion. Il exerça moult vertueusement et saigement son office de mareschal de France en deffendant le roy et le royaulme des anciens ennemys de la France, des Angloys, lesquels estaient en son temps entre saint Omer (1) et Calais en gastant tout le pays, et si estoient en si merueilleux grand nombre. Ce neantmoyns, ledit seigneur, hardy comme ung lyon, les assaillit auprès de la ville de Herdre, leur livra bataille, et tellement se pourta, quil meclait desja lesdits Angloys en fuite. Toutesfois, ainsy que Dieu le permit, il fut occys en ladite bataille, parce que les Lorroins et Angloys se rallierent ensemble en si grande puyssance, quilz vindrent courir sus à lenseigne dudit prince trouve mort auprez de ladite enseigne ainsy abattue. Messire Guichard de Beaujeu, son frere, seigneur de Perreux, lequel estoit en ung aultre quartier de ladite bataille sceut les nouvelles dont il fut le plus doulent de tout le monde. Toutesfois, il print et releva ladite enseigne et ralia tout ce quil peut de ses gens, lesquelz se portarent si vaillamment, nonobstant la mort de leur chef, que par la prouesse et chevallerye dudit Guichard, gaignerent la ba-

(1) Lisez Saint-Omer,